

নির্বাহী পরিচালকের কার্যালয়
উর্ধ্বতন বৈজ্ঞানিক কর্মকর্তা
সিনিয়র জিনিং কর্মকর্তা
প্রকিউরমেন্ট শাখা
কারিগরী শাখা
আঁশ প্রযুক্তিবিদ
নির্বাহী পরিচালক

গণপ্রজাতন্ত্রী বাংলাদেশ সরকার
কৃষি মন্ত্রণালয়
উপকরণ-২ শাখা
www.moa.gov.bd

২০২৩-২৪ অর্থবছরে তুলা ফসলের আবাদ ও উৎপাদন বৃদ্ধির জন্য কৃষি প্রণোদনা কর্মসূচি বাস্তবায়ন পদ্ধতি

কর্মসূচির উদ্দেশ্য

- খাদ্য উৎপাদনকে ব্যাহত না করে তুলা উৎপাদন ও উৎপাদনশীলতা এবং কৃষকের আয় বৃদ্ধি;
- হাইব্রিড জাতের তুলাবীজ কৃষকদের মাঝে সম্প্রসারণের মাধ্যমে উৎপাদন বৃদ্ধি;
- তুলাভিত্তিক কৃষি বনায়নের মাধ্যমে শস্যবহুমুখীকরণ, জমির সর্বোচ্চ ব্যবহার নিশ্চিতকরণ ও তুলা চাষ সম্প্রসারণের ধারা অব্যাহত রাখা;
- দেশের বিভিন্ন জেলায় পতিত ও সাময়িক পতিত অনাবাদি জমি এবং স্বল্প উৎপাদনশীল এলাকা যেমন- খরা/বরেন্দ্র, লবণাক্ত, চরাঞ্চল ও পাহাড়ী এলাকার অনাবাদি জমি আবাদের আওতায় এনে শস্যের নিবিড়তা বৃদ্ধি করা;
- তুলা চাষীদেরকে আধুনিক কৃষি প্রযুক্তি ব্যবহারে অভ্যস্ত করে তোলা।

প্রণোদনা কার্যক্রমের যৌক্তিকতা

- ক্ষুদ্র ও প্রান্তিক চাষীদের তুলাচাষের আগ্রহ থাকা সত্ত্বেও উচ্চ মূল্যের কারণে হাইব্রিড তুলা বীজ ক্রয় করতে প্রায়শই সক্ষম নয়। ফলে উচ্চ ফলনশীল হাইব্রিড তুলা বীজের মূল্য বেশি হওয়ায় অনেক কৃষক তুলা চাষে আগ্রহ থাকা সত্ত্বেও তুলা চাষ করতে পারে না;
- সাধারণ মানের বীজ থেকে তুলার ফলন কম হওয়ায় হাইব্রিড তুলা বীজের চাহিদা বেশি;
- বাংলাদেশে বস্ত্র শিল্পের কাঁচামাল তুলার বাৎসরিক চাহিদা প্রায় ৮০-৮৫ লক্ষ বেল, যার মধ্যে দেশে ২ লক্ষ বেল আঁশতুলা উৎপাদিত হয়। ফলে প্রতিবছর প্রায় ৩০ হাজার কোটি টাকার তুলা বিদেশ থেকে আমদানি করতে হয়। এছাড়া অগ্রাধিকারমূলক বাজার সুবিধা সীমিত অথবা উন্মুক্ত বাজার প্রতিযোগিতার চ্যালেঞ্জ মোকাবেলায় বস্ত্রশিল্প বিকাশে শিল্পের প্রধান কাঁচামাল তুলা উৎপাদন দেশে কম হওয়ায় বাংলাদেশের অর্থনীতির প্রধান চালিকা শক্তি বস্ত্রশিল্প বাখার সন্মুখীন হচ্ছে। তুলার উৎপাদন ও যোগান বৃদ্ধির জন্য হাইব্রিড তুলাচাষ সম্প্রসারণের লক্ষ্যে কৃষকদের প্রণোদনা সহায়তা দেয়া প্রয়োজন;
- বাংলাদেশের হাইব্রিড আঁশতুলার গুণগতমান আমদানিকৃত আঁশতুলার মানের সমতুল্য। ফলশ্রুতিতে বস্ত্রশিল্পে কাঁচামালের আমদানি খরচ হ্রাসে এবং রপ্তানি আয় বাড়াতে নিজস্ব তুলার উৎপাদন বৃদ্ধির জন্য প্রান্তিক কৃষকদের তুলা উৎপাদনে সহায়তা প্রদান করা জরুরি;
- বাংলাদেশে তুলা উৎপাদন বৃদ্ধিতে তুলা উপজাত হিসেবে বীজ থেকে প্রাপ্ত খৈল ও ভোজ্য তেলের উৎপাদনও বাড়বে। ফলে ভোজ্য তেল ও খৈল আমদানিতেও বৈদেশিক মুদ্রা সাশ্রয় হবে এবং খৈল গবাদি প্রাণী ও মৎস্য খাদ্যে চাহিদা মিটবে;
- তুলা উত্তোলন হতে শুরু করে বাছাইকরণ, সংরক্ষণ, বাজারজাতকরণ ও জিনিং কার্যক্রমে অধিকাংশ ক্ষেত্রে প্রত্যক্ষ ও পরোক্ষভাবে ৭৫% নারী শ্রমিক সম্পৃক্ত হওয়ার মাধ্যমে তাদের কর্মসংস্থানের সুযোগ সৃষ্টি, আয় এবং আর্থ সামাজিক অবস্থার উন্নয়ন হবে।

প্রত্যাশিত সুফলঃ

এই কর্মসূচির আওতায় ১২,৩৭৫ (বার হাজার তিনশত পঁচাত্তর) জন উপকারভোগী ক্ষুদ্র ও প্রান্তিক কৃষক বিনামূল্যে হাইব্রিড জাতের তুলাবীজ, সার, বৃদ্ধি নিয়ন্ত্রক ও বালাইনাশক সহায়তা পাবে। এতে হাইব্রিড জাতের আবাদ ১২,৩৭৫ বিঘা বা ১৬৭০.০০ হেক্টর জমিতে তুলা চাষ হবে এবং হেক্টর প্রতি গড়ে ০৪ মে. টন হিসাবে মোট ৬৬৮০.০০ মে.টন বীজতুলা উৎপাদন হবে। যার বর্তমান বাজার মূল্য ৬৩৪৬.০০ লক্ষ টাকা অর্থাৎ (প্রতি হেক্টর= ৯৫ টাকা)। উক্ত ৬৬৮০.০০ মে.টন বীজতুলা থেকে ২৬৭২.০০ মে. টন আঁশতুলা এবং ৩৮৭৪.০০ মে. টন তুলাবীজ পাওয়া যাবে। উক্ত ৩৮৭৪.০০ মে. টন তুলাবীজ থেকে ৩১৭৬ মে. টন খৈল ও ৫৭১.০০ মে. টন ভোজ্য তেল পাওয়া যাবে। প্রতি বিঘায় ২০০.০০ কেজি হিসেবে ২৪৭৫.০০ মে. টন ছালানী পাওয়া যাবে। যার বর্তমান বাজার মূল্য ১০০.০০ লক্ষ টাকারও বেশি। অতএব ১৬৭০ হেক্টর জমিতে উৎপাদিত সকল পণ্যের মোট আয় হবে ৬৪৪৬.০০ লক্ষ টাকা। তুলা গাছের প্রচুর পাতা মাটিতে যোগ হয়ে জমির উর্বরতা বৃদ্ধি পাবে।

হেক্টর প্রতি প্রণোদনায় উপকরণ সহায়তা বাবদ ৫৯২৮০.০০ টাকা (বিঘা প্রতি ৮,০০০.০০ টাকা) ও কৃষকের অন্যান্য ব্যয় ৫,৯২৮০.০০ টাকাসহ (বিঘা প্রতি ৮,০০০.০০ টাকা) হেক্টর প্রতি মোট উৎপাদন ব্যয় ১,১৮,৫৬০.০০ টাকা। হেক্টর প্রতি বীজতুলা বাবদ আয় ৩,৮০,০০০.০০ টাকা (হেক্টর প্রতি গড়ে ০৪ মে. টন হিসাবে), ছালানী বাবদ হেক্টর প্রতি আয় ৬,০০০.০০ টাকাসহ অর্থাৎ হেক্টর প্রতি মোট আয় ৩,৮৬,০০০.০০ টাকা। হেক্টর প্রতি নীট আয় ২,৬৭,৪৪০.০০ টাকা। অর্থাৎ ১ টাকা খরচ করে ৩.২৫ টাকা আয় হবে। ফলশ্রুতিতে কৃষকগণ হাইব্রিড জাতের তুলাচাষে আগ্রহী হবে এবং পরবর্তীতে হাইব্রিড তুলাচাষের আবাদ বৃদ্ধি ও সম্প্রসারণ হবে।

বাস্তবায়ন পদ্ধতি

- কৃষি মন্ত্রণালয়ের কৃষি পুনর্বাসন কার্যক্রমে প্রথমবারের মত ২০২৩-২৪ অর্থবছর হতে ২০২৪-২৫ মৌসুমে তুলা ফসলকে অন্তর্ভুক্ত করা হয়েছে। বিধায় জেলা পর্যায়ে বিদ্যমান জেলা কৃষি পুনর্বাসন বাস্তবায়ন কমিটিতে তুলা উন্নয়ন বোর্ডের জেলা পর্যায়ের সংশ্লিষ্ট প্রধান তুলা উন্নয়ন কর্মকর্তাকে প্রণোদনাভুক্ত জেলাসমূহে কো-অপ্ট করতে হবে;
- যেসব জেলায় তুলা ফসল প্রণোদনা কর্মসূচি পরিচালনা করা হবে, উক্ত কর্মসূচি বাস্তবায়নের জন্য সেসব জেলা কৃষি পুনর্বাসন বাস্তবায়ন কমিটিতে তুলা উন্নয়ন বোর্ডের দায়িত্বপ্রাপ্ত কর্মকর্তাকে সদস্য হিসেবে কো-অপ্ট করতে হবে। কর্মসূচি বাস্তবায়নে তিনি সার্বিক সহযোগিতা করবেন এবং সকলের সাথে সমন্বয় করে কাজ করবেন;

১৪. প্রণোদনার আওতায় জেলা ভিত্তিক ক্রয়কৃত তুলাবীজ, বৃদ্ধি নিয়ন্ত্রক ও বালাইনাশক এবং ইউরিয়া, ডিএপি ও এমওপি সার সংশ্লিষ্ট প্রধান তুলা উন্নয়ন কর্মকর্তার সাথে পরামর্শক্রমে প্রণোদনাত্মক তুলা উন্নয়ন বোর্ডের স্ব স্ব কটন ইউনিট অফিসে সরবরাহ প্রদান করতে হবে। ইউনিটের দ্বায়িত্বপ্রাপ্ত কটন ইউনিট অফিসার/ সহকারী কটন ইউনিট অফিসার/ স্টোরকাম ফিল্ডম্যান অনুমোদিত তালিকাভুক্ত উপকারভোগী কৃষকগণের মাঝে সরবরাহকৃত উপকরণ বিতরণ করবেন;
১৫. এ কর্মসূচির আওতায় বিতরণযোগ্য তুলা বীজের অঙ্কুরোদগম ক্ষমতা, বিশুদ্ধতা এবং উৎপাদন ক্ষমতা অবশ্যই সংশ্লিষ্ট জাতের কাংশিত মানের হতে হবে। কোন অবস্থাতেই বীজ কাংশিত মানের না হলে সে জন্য সংশ্লিষ্ট কর্মকর্তা/কর্তৃপক্ষ দায়ী থাকবেন;
১৬. প্রধান তুলা উন্নয়ন কর্মকর্তা প্রণোদনার জন্য প্রদত্ত উপকরণ বিতরণের নিমিত্তে রেজিস্টারে সংশ্লিষ্ট কৃষকের তালিকা অন্তর্ভুক্তিসহ যাবতীয় হিসাবাদি ও কাগজপত্র ইউনিটের দ্বায়িত্বপ্রাপ্ত কটন ইউনিট অফিসার/ সহকারী কটন ইউনিট অফিসার/ স্টোরকাম ফিল্ডম্যানের মাধ্যমে সংরক্ষণ করবেন এবং প্রধান তুলা উন্নয়ন কর্মকর্তা উপকরণ বিতরণ তালিকার ০১ (এক) কপি সংশ্লিষ্ট জেলার উপপরিচালক, কৃষি সম্প্রসারণ অধিদপ্তর এবং উপপরিচালক, তুলা উন্নয়ন বোর্ডে প্রেরণ করবেন। উপপরিচালকগণ প্রাপ্ত উপকরণ বিতরণের তালিকার ০১ (এক) কপি সংরক্ষণ করবেন এবং ১ কপি নির্বাহী পরিচালক, তুলা উন্নয়ন বোর্ডে প্রেরণ করবেন। সংশ্লিষ্ট সিসিডিওগণ স্ব স্ব জেলার জেলা প্রশাসক/ পার্বত্য ও জেলার জেলা পরিষদ চেয়ারম্যান ও সভাপতি, জেলা কৃষি পুনর্বাসন বাস্তবায়ন কমিটির নিকট তালিকার একটি কপি প্রেরণ করবেন। উপকারভোগী কৃষক তালিকা তুলা উন্নয়ন বোর্ড এর প্রধান কার্যালয়ের ওয়েবসাইটসহ জোনাল পর্যায়ের ওয়েব পোর্টালে প্রকাশ করতে হবে;
১৭. কর্মসূচির প্রকৃত সুফল প্রাপ্তির জন্য যথাসম্ভব দ্রুত এ কার্যক্রম বাস্তবায়ন সমাপ্ত করতে হবে, কোনভাবেই বিলম্ব গ্রহণযোগ্য হবে না। প্রণোদনা কার্যক্রম শেষ হওয়ার ১০ (দশ) কর্মদিবসের মধ্যে অর্থ ব্যয়ের বিস্তারিত বিবরণী ও সমন্বয় বিবরণী (অব্যয়িত অর্থ জমা দেয়ার চালানের ছায়াগিপিসহ) অর্থ বিভাগে প্রেরণের জন্য প্রধান তুলা উন্নয়ন কর্মকর্তাগণ স্ব স্ব জেলার উপপরিচালক ও সদস্য সচিব, জেলা কৃষি পুনর্বাসন বাস্তবায়ন কমিটির মাধ্যমে সরকারি ই-মেইলে নির্বাহী পরিচালক, তুলা উন্নয়ন বোর্ড (Email:ed@cdb.gov.bd) এবং পরিচালক, (সেরেজমিন উইং) কৃষি সম্প্রসারণ অধিদপ্তরে (Email: admonitoring@dae.gov.bd/ ddmonitoring@yahoo.com) ও উপকরণ-২ শাখা, কৃষি মন্ত্রণালয় (Email:input2@moa.gov.bd ও moa.input2@gmail.com) এ প্রেরণ করতে হবে। উক্ত সমন্বয় বিবরণীর ০১ (এক) কপি জেলা প্রশাসক / পার্বত্য ও জেলার জেলা পরিষদ চেয়ারম্যান ও সভাপতি, জেলা কৃষি পুনর্বাসন বাস্তবায়ন কমিটির নিকটও প্রেরণ করতে হবে। নির্বাহী পরিচালক, তুলা উন্নয়ন বোর্ড উক্ত কৃষি মন্ত্রণালয়ে প্রেরণ করবেন;
১৮. এ কার্যক্রম বাস্তবায়নে চলমান অন্যান্য পুনর্বাসন কার্যক্রমের সাথে দ্বৈততা যেন না হয়, সে বিষয়টি তুলা উন্নয়ন বোর্ড ও কৃষি সম্প্রসারণ অধিদপ্তর নিশ্চিত করবে;

নাইমা আফরোজ ইমা
সিনিয়র সহকারী সচিব
কৃষি মন্ত্রণালয়

৩৩/০৬/২০২৪

(পুনর্বাসন/ প্রণোদনা কার্যক্রম মনিটরিংয়ের জন্য 'কৃষক তথ্য' ছক (সরকারি ই-মেইলের মাধ্যমে (Email:ed@cdb.gov.bd/ admonitoring@dae.gov.bd/input2@moa.gov.bd/ moa.input2 @gmail.com-এ প্রেরণ করতে হবে সে ক্ষেত্রে কর্মকর্তার স্বাক্ষরের প্রয়োজন নেই)

জেলা ও উপজেলার নাম:

ইউনিয়ন/ পৌরসভার নাম :

গ্রাম/মহল্লা/ওয়ার্ড নং:

নং	কৃষকের নাম	পিতা ও মাতার নাম	কৃষকের জাতীয় পরিচয় পত্রের নম্বর	কৃষকের মোবাইল নম্বর	কর্মসূচি সহায়তা বাবদ প্রাপ্ত বীজ/ সার /কীটনাশক পরিমাণ	ফসল উৎপাদন পর্যন্ত উঠান বৈঠকের সম্ভাব্য সংখ্যা
					বীজের নাম ও জাত- বীজের পরিমাণ- সারের নাম ও পরিমাণ- কীটনাশকের নাম- কীটনাশকের পরিমাণ- বৃদ্ধি নিয়ন্ত্রকের নাম ও পরিমাণ-	